

本草經解要

本草經解要卷二

古吳葉桂天士集註

河東楊緝祖遠齋閣定

同里門人王從謨校刊

草部下

白豆蔻氣大溫味辛無毒主積冷氣止吐逆反胃
穀下氣

白蔻氣大溫稟天木火之氣入足厥陰肝經手少

白蔻

陽相火三焦經味辛無毒得地西方燥金之味入
手太陰肺經足陽明胃經氣味俱升陽也肺主氣
積冷氣肺寒也氣溫溫肺味辛散積所以主之食
入反出胃無火也辛溫煖胃故止吐逆反胃胃中
寒則不能化水穀肺寒則不能行金下降之令白
薤辛溫所以胃煖則消穀肺煖而下氣也

制方

白薤同丁香砂仁陳米黃土薑汁丸名太倉丸治

反胃 同人參生薑陳皮藿香治胃寒嘔吐 同
半夏陳皮生薑白朮白茯苓治寒痰作吐 同藿香
陳皮木香治上焦滯氣 同人參白朮陳皮生薑
治秋瘧胃虛不食 同扁豆五味橘紅木瓜治中
酒嘔吐

白茯苓氣溫味苦無毒主惡血破癥結積聚喉痺乳
難久服長肌肉明目輕身炒去刺

白茯苓氣溫稟天春和之木氣入足厥陰肝經味

苦無毒得地南方之火味入手少陰心經氣升味
降秉火氣而生陽也主惡血者心主血肝藏血溫
能行苦能洩也癥者有形可徵也有形之積聚皆
成於血白蔞藜能破之者以入心肝而有苦溫氣
味也癰者閉也喉癰火結於喉而閉塞不通也溫
能散火苦可去結故主喉癰乳難乳汁不通也乳
房屬肝氣溫達肝其乳自通白蔞藜一名旱草秉
火氣而生形如火而有刺久服心火獨明火能生

土則飲食倍而肌肉長肝木條暢肝開竅于目故
目明木火通明元陽舒暢所以身輕也

制方

白蒺藜同歸身治月經不通 同杞子菟絲子治
肝虛 同五味淫羊藿杞子海螵蛸治肝虛陽痿
專爲末服治一切鬱症明二三十年之目疾

縮砂仁氣溫味辛溫無毒主虛勞冷瀉宿食不消赤

白洩痢腹中虛痛下氣

薑汁炒

縮砂仁

砂仁氣溫稟夫春和之木氣入足厥陰肝經味辛
澁無毒得地西方燥金之味入于太陰肺經足陽
明胃經手陽明大腸經氣味俱升陽也主虛勞冷
瀉者陽虛而作勞則真氣愈耗所以土冷而洩瀉
也砂仁氣溫益氣味澁可以止洩也辛溫溫胃胃
緩則宿食自消赤白瀉利腸寒積滯也辛溫散寒
味澁止洩也腹中虛痛腹中陽氣虛而寒痛也溫
以益陽辛以散寒所以止之肺主氣下氣者辛能

益肺肺平氣自下也

制方

砂仁同人參陳皮藿香白茯苓炙草治吐瀉不食
同藿香橘紅木瓜治霍亂轉筋 同川附炮
薑厚朴陳皮飯丸治冷利 連殼炒黑末熱酒下
二錢安胎止痛 用兩許炒爲末入鹽三錢湯泡
冷服治乾霍亂

薑黃氣大寒味辛苦無毒主心腹結積疰忤下氣破

專除風熱消癰腫功力烈於鬱金

薑黃氣大寒。稟天冬寒之水氣。入足少陰腎經。足
太陽寒水膀胱經。味辛苦。無毒。得地金火之二味。
入手太陰肺經。手少陰心經。氣味俱降。陰也。心腹
心肺之分也。心主血。肺主氣。結積者。氣血凝結之
積也。其主之者。辛能散氣。苦能破血也。疰忤者。濕
熱內淫。性與物忤也。其主之者。苦寒清濕熱也。下
氣者。苦寒降氣也。破血者。辛苦行血也。除風熱者。

風熱爲陽邪外感太陽經氣寒清熱味辛散風也
苦寒而辛散故又主癰腫功力烈於鬱金者氣較
鬱金更寒也。

制方

薑黃同肉桂枳殼治左脇痛。同當歸生地牛膝
延胡索肉桂治積血痛。同肉桂末治中寒心痛。
鬱金氣寒味辛苦無毒主血積下氣生肌止血破惡
血血淋尿血金瘡。

鬱金氣寒。主心氣。入足少陰腎經。手太陽寒水。小腸經。味辛苦。無毒。得地金火之二味。入手太陰肺經。手少陰心經。氣味降多於升。陰也。心主血。肺主氣。味苦破血。氣寒降氣。所以主血積下氣也。瘡口熱則腐爛。血流苦寒之品。爲末治外。能生肌止血也。破惡血者。卽味苦破血積之功。其主血淋尿血者。則入小腸苦寒清血之力也。以其主肌止血。所以又主金瘡。

制方

鬱金同韭菜降香歸身生地童便治吐血衄血

同牛黃治陽毒失血

款冬花氣溫味辛無毒主欬逆上氣善喘喉痹諸驚
癰寒熱邪氣

款冬氣溫稟天春和之木氣入足厥陰肝經味辛
無毒得地西方澤潤之金味入手太陰肺經氣味
俱升陽也肺金主氣氣逆則火乘金而欬逆上氣

氣喘矣其主之者味辛潤肺氣溫宣通則肺金下降之令行而諸症平也喉痹者火結於喉而閉塞也喉亦屬肺款冬辛溫通肺故并主喉痹也諸驚癇寒熱邪氣者驚有虛實之別癇有五藏之分其類不一所以邪氣亦有寒熱之殊也其主之者以其邪雖有寒熱之殊然皆厥陰肝木氣逆火炎之症款冬辛溫溫能達肝辛能降氣氣降火平邪氣退矣

制方

款冬同麻黃杏仁桑皮甘草治寒喘氣喘同百
合煎膏名百花膏治痰欬有血

旋覆花氣溫味鹹有小毒主結氣脇下滿驚悸除水
去五藏間寒熱補中下氣

旋覆氣溫稟天春和之木氣入足厥陰肝經味鹹
有小毒得地北方陰慘之水味入足少陰腎經氣
味降多于升陰也溫能散結鹹能栗堅故主結氣

脇下滿也。水氣乘心則驚悸。鹹溫下水。所以其主驚悸也。去五藏間寒熱者。五藏藏陰者也。痰蓄五藏則陰不藏而寒熱矣。鹹溫可以消痰。所以去寒熱也。補中者。中爲脾胃。水行痰消則中宮脾胃受補也。下氣者。鹹性潤下也。因有小毒。所以服之必煩也。

制方

旋覆同人參半夏代赭石甘草生薑大棗治傷寒

汗下後心下痞堅噫氣不除

藿香氣微溫味辛甘無毒主風水毒腫去惡氣止霍亂心腹痛

藿香氣微溫稟天初春之木氣入足少陽膽經足厥陰肝經味辛甘無毒得地金土之二味入手太陰肺經足太陰脾經氣味俱升陽也風水毒腫者感風邪濕毒而腫也其主之者風氣通肝溫可散風濕毒歸脾甘可解毒也惡氣邪惡之氣也肺主

氣辛可散邪所以主之。霍亂脾氣不治揮霍擾亂也。芳香而甘能理脾氣故主之也。心腹亦脾肺之分氣亂於中則痛。辛甘而溫則通調脾肺所以主之也。

制方

藿香同香附木升降諸氣 同陳皮治霍亂 同滑石丁香治夏月吐瀉 同香附甘草治胎氣不安 同白茯苓半夏治風水毒腫

前胡氣微寒。味苦。無毒。主痰滿胸脇中痞。心腹結氣。
風頭痛。去痰。下氣。治傷寒寒熱。推陳致新。明目益精。
前胡氣微寒。稟天初冬寒水之氣。入足太陽膀胱
經。味苦。無毒。得地南方之火味。入手少陰心經。氣
味俱降陰也。胸者肺之部也。心火刑肺。則肺之津
液不下行。鬱於胸中而成痰矣。前胡味苦。清心火。
所以主痰滿胸也。人身之氣。左升右降。心火乘肺。
肺不能降。則升亦不升。而脇中痞矣。前胡味苦。氣

寒清心降氣肺氣降則升者亦升而痞愈矣心腹
結氣邪熱之氣結於心腹也寒能下氣苦能散結
所以主之風頭痛傷風而頭痛也風爲陽邪苦寒
抑陽故止頭痛去痰下氣清心寧肺之功也傷寒
寒熱乃陽盛陰虛之風熱症也苦寒清熱所以治
之苦寒之味行秋冬肅殺之令所以推陳致新蓋
陳者去而新者方來也味苦清火所以明目氣寒
助陰所以益精也

制方

前胡同杏仁甘草桑皮桔梗治熱喘下氣同花
粉歸身甘草黃芩治傷寒寒熱同甘菊丹皮治
風熱目疼

羌活氣平味苦甘無毒主風寒所擊金瘡止痛奔豚
癰疽女子疝瘕入服輕身耐老

一名獨活

羌活氣平稟天秋燥之金氣入手太陰肺經味苦
甘無毒得地南方中央火土之味入手少陰心經

足太陽脾經氣味降多於升陰也其主風寒所擊
金瘡止痛者金瘡爲風寒所擊則血氣壅而不行
其痛更甚矣羌活苦能洩甘能和入肺解風寒所
以風血行而痛止也奔豚者腎水之邪如豚奔突
而犯心也苦可燥濕甘可伐腎所以主之癰者風
症也癰者濕流關節之症也羌活氣平可以治風
味苦可以燥濕故止癰瘰也女子疝瘕多經行後
血假風濕而成羌活平風燥濕兼之氣雄可以散

血也久服則脾濕散所以輕身心血和所以耐老
皆味甘苦之功也

制方

羌活同麥冬前胡黃芩甘草治太陽疫症 同白

朮蒼朮秦艽生地苡仁木瓜石斛黃柏治下部濕
熱 同生地赤芍甘草丹皮石膏治風熱牙疼

升麻氣平微寒味苦甘無毒主解百毒殺百精老物
殃鬼辟瘟疫瘴氣邪氣蠱毒入口皆吐出中惡腹痛

時氣毒瘡。顏痛寒熱。風腫諸毒。喉痛口瘡。久服不夭。
輕身長年。

升麻氣平微寒。稟天秋平冬寒。金水之氣。入手太
陰肺經。足太陽膀胱經。手太陽小腸經。味苦甘無
毒。得地南方中火土之味。入手少陰心經。味苦
則燥。入足陽明胃經。氣味輕清陽也。其解百毒者。
氣平而寒。味甘而苦。能消能和。所以解毒也。其殺
百精老物殃鬼者。升麻稟平寒之氣。則得清陽通

達之性能破幽暗制精鬼也。瘟疫瘴氣邪氣皆天地鬱塞薰蒸之氣也。平寒能清苦能洩甘能和所以能辟之也。蠱毒陰惡敗壞之毒甘苦之味能和解故藥入口蠱卽吐出也。其主中惡腹痛者甘能解毒苦能洩邪也。其主時氣毒癘頭痛者甘平和毒苦寒清熱平苦又燥濕也。其主寒熱風腫諸毒者平甘以和之寒苦以清之。入膀胱能散寒熱風腫也。喉痛口瘡火鬱於上也。其主之者苦寒之

味火鬱發之也。久服不天。輕身長年者。升麻爲陰
中之陽。能升陽氣於至陰之下。陰精所奉。其人壽
也。蓋必佐補藥。方可久服耳。

制方

升麻同葱白散陽明風邪。同石膏止陽明齒痛。
同葛根白芍甘草名升麻葛根湯治陽明之熱。
邪及癰疹。同人參蓮子治噤口痢。同石膏知
母麥冬竹葉治陽明經風熱。同川連紅麴滑石。

白芍甘草治痢。

川芎氣溫味辛無毒。主中風入腦頭痛寒痺筋攣緩急金瘡婦人血閉無子。

川芎氣溫。稟天春和之木氣。入足厥陰肝經。味辛無毒。得地西方之金味。入手太陰肺經。氣味俱升陽也。風爲陽邪而傷於上。風氣通肝。肝經與督脈會於顛頂。所以中風風邪入腦頭痛也。其主之者辛溫能散也。寒傷血。血凝則麻木而痺。血不養筋。

筋急而肝藏血而至筋則芎入肝而辛溫則血
活而筋舒肝者急而燥者辛也緩急金瘡金瘡失
血則筋時緩時急也川芎味辛則潤潤可治急氣
溫則緩緩可治緩也婦人稟地道而生以血為主
血閉不通則不生育川芎入肝肝乃藏血之藏生
發之經氣溫血活自然生生不已也

制方

川芎同白芍歸身生地各四物湯治血虛 同甘

菊歸身生地白芍甘草治血虛頭痛 同歸身桂
心牛膝治子死腹中 同續斷生地白膠杜仲山
萸北味人參黃耆棗仁治血崩不止

防風氣溫味甘無毒主大風頭眩痛惡風風邪目盲
無所見風行周身骨節疼痛久服輕身

防風氣溫稟天春和風木之氣入足厥陰肝經味
甘無毒得地中正之土味入足太陰脾經氣味俱
升陽也肝爲風木其經與督脈會於巔頂大風之

邪入肝則行於陽位故頭眩痛其主之者溫以散之也傷風則惡風惡風邪在表之風也肝開竅於目目盲無所見在肝經之風也風行周身在經絡之風也骨節疼痛風在關節而兼濕也蓋有濕則陽氣滯而痛也皆主之者風氣通肝防風入肝甘溫發散也脾主肌肉濕則身重矣久服輕身者風劑散濕且引清陽上達也

制方

防風同白芍黃耆治表虛自汗 同荊芥白芷生
地地榆黃耆治破傷風

葛根氣平味甘辛無毒主消渴身大熱嘔吐諸痺起
陰氣解諸毒

葛穀氣平味甘無毒主下痢十歲以

葛根氣平稟天秋平之金氣入手太陰肺經味甘
辛無毒得地金土之味入足陽明燥金胃氣味輕
清陽也其主消渴者葛根辛甘升騰胃氣氣上則

津液生也。其主身大熱者。葛根氣平。平爲秋氣。秋氣能解大熱也。脾有濕熱。則壅而嘔吐。葛根辛甘。升發胃陽。胃陽鼓動。則濕熱下行而嘔吐止矣。諸痹皆起於氣血不流通。葛根辛甘和散氣血。活諸痹。自愈也。陰者從陽者也。人身陰氣。脾爲之原。脾與胃合。辛甘入胃。鼓動胃陽。陽健則脾陰亦起也。甘者土之冲味。平者金之和氣。所以解諸毒也。葛穀氣平。味甘入足陽明。胃手陽明。大腸陰中陽。

也陰中之陽爲少陽清輕上達能引胃氣上升所以主下痢十歲以上陽陷之症也

制方

葛根同香薷生地煎服可以預防熱病 同白芍

甘草山藥白茯苓米治痢血不止 葛根一味治

中毒

麻黃氣溫味苦無毒主中風傷寒頭痛溫瘧發表出

汗去邪熱氣止欬逆上氣除寒熱破癥堅積聚

去節水煮

古法

用

麻黃氣溫。稟夫春和之木氣。入足厥陰肝經。味苦。無毒。得地南方之火味。入手少陰心經。氣味輕升。陽也。心主汗。肝主疎洩。入肝入心。故爲發汗之上藥也。傷寒有五。中風傷寒者。風傷衛寒。傷營營衛俱傷之傷寒也。麻黃溫以散之。當汗出而解也。溫病但熱不寒之瘧也。溫瘧而頭痛。則陽邪在上。必發表出汗。乃可去溫瘧邪熱之氣。所以亦可主以

麻黃也。肺主皮毛。皮毛受寒。則肺傷而欬逆上氣之症生矣。麻黃溫以散皮毛之寒。則欬逆上氣自平。寒邪鬱於身表。身表者太陽經行之地。則太陽亦病而發熱惡寒矣。麻黃溫以散寒。寒去而寒熱除矣。癰堅積聚者。寒氣凝血而成之積也。寒爲陰。陰性堅。麻黃苦入心。心主血。溫散寒。寒散血活。積聚自破矣。**根節**氣平。味甘無毒。入足太陰脾經。手太陰肺經。所以止汗也。

制方

麻黃同桂心治風痹冷痛 同桂枝甘草杏仁生薑大棗治寒傷營症 同白芍甘草炮薑細辛蘇梗北味治肺寒而喘 麻黃根同黃耆牡蠣末小麥湯下治自汗

白芷氣溫味辛無毒主女人漏下赤白血閉陰腫寒熱頭風侵目泪出長肌肉潤澤顏色可作面脂

白芷氣溫稟天春和之木氣入足厥陰肝經味辛

無毒而芳香得地西方燥金之味入足陽明胃經
手陽明大腸經氣味俱升陽也其主女人漏下赤
白者蓋肝主風脾主濕風濕下陷則爲赤白帶下
白芷入肝散風芳香燥濕故主之也肝藏血血寒
則閉氣溫散寒故治血閉陰者男子玉莖女人牝
戶也屬厥陰肝腫而寒熱肝經風濕也濕勝故腫
也白芷入肝辛可散風溫可行濕所以主之也肝
經會督脈於巔頂風氣通肝肝開竅於目頭風侵

目淚出肝有風而疎洩也其主之者以辛溫可散
風也胃主肌膚而經行於面辛溫益胃故長肌膚
芳香辛潤故澤顏色也可作面脂乃潤澤顏色之
餘事也

制方

白芷同黃耆甘草生地麥冬五味能長肉 同辛
夷細辛治鼻痔 同甘草生薑豆豉大棗名神白
散治一切傷寒 同貝母酒煎治乳癰初起 同

白芍甘草白茯苓米治胃虛洩瀉

藥本氣溫味辛無毒主婦人痼瘕陰中寒腫痛腹中急除頭風痛長肌膚悅顏色

藥本氣溫稟天春升之木氣入足厥陰肝經味辛無毒得地西方之金味入手太陰肺經氣味俱升陽也婦人以血爲主血藏於肝肝血少則肝氣滯而痼瘕之疝生矣藥本溫辛溫行辛潤氣不滯而血不少痼瘕自平也厥陰之脈絡陰器厥陰之筋

結陰器其主陰中寒腫痛者入肝而辛溫散寒也
厥陰之氣抵小腹部肝性急腹中急肝血不潤也味
辛潤血所以主之風氣通肝肝經與督脈會於顛
頂風邪行上所以頭痛其主之者辛以散之也肺
主皮毛長肌膚味辛益肺之力悅顏色辛能潤血
之功也

制方

藥本同不香治霧露清邪中於上焦同羌活細

辛川芎葱白治寒鬱太陽頭痛 同白芷可作而

脂

柴胡氣平味苦無毒主心腹腸胃中結氣飲食積聚
寒熱邪氣推陳致新久服輕身明目益精

柴胡氣平稟天中正之氣味苦無毒得地炎上之
火味膽者中正之官相火之府所以獨入足少陽
膽經氣味輕升陰中之陽乃少陽也其主心腹腸
胃中結氣者心腹腸胃五藏六府也藏府共十二

經凡十一藏皆取決於膽。柴胡輕清升達膽氣。膽氣條達則十一藏從之宣化。故心腹腸胃中凡有結氣皆能散之也。其主飲食積聚者。蓋飲食入胃散精於肝。肝之疎散又藉少陽膽爲生發之主也。柴胡升達膽氣則肝能散精而飲食積聚自下矣。少陽經行半表半裏。少陽受邪邪併於陰則寒邪併於陽則熱。柴胡和解少陽故主寒熱之邪氣也。春氣一至萬物俱新。柴胡得天地春升之性入少

陽以生氣血故主推陳致新也久服清氣上行則
陽氣日強所以身輕五藏六府之精華上奉所以
明目清氣上行則陰氣下降所以益精精者陰氣
之英華也

制方

柴胡同人參半夏黃芩甘草大棗生薑名小柴胡
湯治少陽寒熱同白芍甘草枳實名四逆散治
胸脇痛四肢厥冷同人參升麻黃耆甘草歸身

白朮廣皮生薑大棗名補中益氣湯治勞傷倦怠
同人參黃耆白朮甘草升麻白茯苓澤瀉葛根神
麴治暑傷元氣 同升麻葛根等能升陽散火
同白芍丹皮山梔甘草白茯苓白朮廣皮歸身名逍
遙散治肝膽鬱火

桔梗氣微溫味辛有小毒主胸脇痛如刀刺腹滿腸
鳴幽幽驚恐悸氣

桔梗氣微溫藥天初春稚陽之木氣入足少陽膽

經味辛有小毒得地西方陰慘之金味入手太陰
肺經氣味俱升陽也胸者肺之分也脇者膽之分
也膽氣不升肺氣不降則滯於胸脇痛如刀刺矣
其主之者辛以散之溫以達之也足之三陰從足
走腹太陰行氣于三陰者也肺亦太陰通調上下
相傳之職太陰不能通調則腹飽滿矣其主之者
一辛以調氣溫以行氣也大腸者燥金之府也大腸
濕熱則腸澼與大腸為表裏結積卒以益厥

肺通調水道則濕熱行而腸鳴自止膽爲中正之
官膽者擔也膽氣傷則不能擔當而驚恐悸矣桔
梗辛溫則扶蘇條達遂其生發之性復其果敢之
職而驚恐悸自平也

制方

桔梗同貝母巴霜名桔膈湯治痰在中焦 同人

參北味麥冬治小便不通 同枳殼治胸滿不痛

同甘草名甘桔湯治肺癰 同生薑治妊娠中

惡心腹痛。

茵陳氣平微寒味苦無毒主風濕寒熱邪氣熱結黃疸久服輕身益氣耐老面白悅長年。

茵陳氣平微寒稟天秋平冬寒金水之氣入手太陰肺經足太陽寒水膀胱經味苦無毒得地南方之火味入手少陰心經氣味俱降陰也風爲陽邪濕爲陰邪風濕在太陽陽邪發熱陰邪發寒也其主之者氣寒清熱味苦燥濕也心爲君火火鬱太

陰則肺不能通調水道下輸膀胱而熱與濕結矣
太陰乃濕土之經所以蒸土色於皮毛而成黃疸
也其主之者苦平可以清心肺微寒可以解濕熱
也久服則燥勝所以身輕手寒清肺肺主氣所以
益氣心主血味苦清心心清則血充華面所以耐
老而面白可悅也心爲十二官之主心安十二官
皆安所以長年也

制方

茵陳同川連乾葛黃柏苡仁北味治酒疸 同二
荒荻荅澤瀉車前木通陳皮神麴紅麴治穀疸
同生地石斛木瓜牛膝黃柏治女勞疸

夏枯草氣寒味苦辛無毒主寒熱瘰癧鼠瘻頭瘡破
癰散痼結氣脚腫濕痹輕身

夏枯草氣寒稟天冬寒之水氣入足太陽膀胱寒
水經味苦辛無毒得地火金之味入手少陰心經
手太陰肺經遇火令而枯稟金水之氣獨全水制

火金平木故專主陽相火風木膽經之症氣味輕
清少陽也太陽主表表邪入則太陽有病而惡
寒發熱矣其主之者味辛可以散表寒味苦可以
清熱也癰癰鼠瘻皆少陽膽經風熱之毒夏枯草
稟金水之氣味所以專入少陽解風熱之毒也頭
乃太陽行經之地膀胱濕熱則生頭瘡其主之者
氣寒清熱味苦燥濕也積聚而有形可徵謂之癥
乃濕熱結氣也味辛可以散結味苦可以燥濕熱

所以主之也。癰亦少陽之症。其主之者以夏枯草
耑治少陽之症。而辛散之功也。濕邪傷下。腳腫濕
痺。無非濕也。苦能燥濕。所以主之。且入肺與膀胱
而有祛濕之力。濕勝則身重。既有祛濕之功。所以
又能輕身也。

制方

夏枯草末。治血崩不止。及赤白帶下。夏枯草可代
柴胡升發。可代甘菊清肝。同白朮白朮黃柏治

濕熱 同連翹金銀花貝母元參薄荷花粉紫背
天葵甘草治癰瘰有功效 用數兩煎湯煮甘菊
紫花地丁金銀花連翹白芨白薇甘草生地白芷
半枝蓮消一切腫毒甚神

丹參氣微寒味苦無毒主心腹邪氣腸鳴幽幽如走
水寒熱積聚破癥除瘕止煩滿益氣

丹參氣微寒稟天初冬寒水之氣入手太陽寒水
小腸經味苦無毒得地南方之火味入手少陰心

經氣味俱降陰也心腹者心與小腸之區也邪氣
者濕熱之邪氣也氣寒則清熱味苦則燥濕所以
主之腸小腸也小腸爲寒水之府水不下行聚於
腸中則幽幽如水走聲响矣苦寒清洩能瀉小腸
之水所以主之小腸爲受盛之官本熱標寒所以
或寒或熱之物皆能積聚腸中也其主之者味苦
能下洩也積聚而至有形可徵謂之癥假物成形
謂之瘕其能破除之者味苦下洩之力也心與小

腸爲表裏小腸者心火之去路也小腸傳化失職則心火不能下行鬱于心而煩滿矣其主之者苦寒清洩之功也肺屬金而主氣丹參清心瀉火火不剋金所以益氣也

制方

丹參同牛膝生地黃著黃柏則健走飛步 同麥冬沙參五味甘草青蒿花粉治煩滿 同牛膝木瓜草薢稀薤杜仲續斷治脊強脚痹 粵一味治

濕熱疝氣自汗山欲死者。爲末水丸治。要脚疼。
益母花子氣微溫味辛甘無毒。主明目益精除水氣。
久服輕身。

益母氣微溫。稟天初春之木氣。入足厥陰肝經。味
辛甘無毒。得地金土之味。入手太陰肺經。足太陰
脾經。氣味俱升。陽也。肝爲藏血之藏。脾爲統血之
藏。辛甘益血。自得血則能視。所以明目。脾者陰氣
之原也。肺者津液之原也。甘辛能潤。所以益精。脾

者爲胃行津液者也。肺者相傳之官，通調水道者也。辛甘益脾，肺則津液行而水道通，所以除水氣。久服益肝脾，肺主周身之氣，脾主周身之血，肝爲生生之臟，以生氣血，氣血生，生長旺，自然身輕矣。〔堊〕主癰瘡瘰癧，所以可浴兒也。

制方

益母子童便煎服，能下死胎。
同川芎歸身白芍
生地杜仲阿膠續斷丸安胎止痛。
同生地白芍

麥冬青蒿五味阿膠治胎漏下血

紅花氣溫味辛無毒主產後血暈口噤腹內惡血不
盡絞痛胎死腹中並酒煮服亦主蠱毒

紅花氣溫稟天春和之木氣入足厥陰肝經味辛
無毒得地西方之金味入手太陰肺經氣味俱升
陽也肝爲藏血之臟生生之經產後血暈口噤者
產後則肝血不藏肝枯則風熾所以血暈而口噤
也治風先治血血行風自滅紅花辛溫潤血所以

主之腹內惡血不盡絞痛胎死腹中皆血寒不行不能養肝之故紅花辛溫活血暢肝所以主之也並酒煎服者藉酒活血潤血之力也亦主蠱毒者辛溫則散而毒可解也

制方

紅花煎汁和童便服治胞衣不下產後血暈同當歸生地牛膝白芍益母川芎延胡索治產後惡血不盡

附氣微寒味甘無毒除胸中熱充皮毛久服令人

益氣長鬚眉

醋炒

香附氣微寒稟天深秋之金氣入手太陰肺經味甘無毒得地中正之土味入足太陰脾經氣降味和陰也胸中者肺之分也皮毛者肺之合也肺主氣氣滯則熱而皮毛焦香附甘寒清肺所以除胸中熱而充皮毛也久服令人益氣者微寒清肺肺清則氣益也鬚眉者血之餘脾統血味甘益脾脾

血盛所以鬚眉長也

制方

香附生則上行胸膈外達皮毛熟則下走肝腎外
徹腰足炒黑則止血童便炒則入血分補虛鹽水
炒則入血分潤燥青鹽炒則益腎酒炒則行經絡
醋炒則入肝薑汁炒則化痰飲同參朮則補氣同
歸地則補血同木香則去滯同蔻仁則理氣同沉
香則降氣同川芎蒼朮則解鬱同梔子川連則降

火同茯神則交心腎乃十二經氣分之要藥也

童便炒爲末醋湯服治血崩 同茯神甘草治氣

逆 同沉香砂仁甘草治痞脹噫酸 同砂仁甘

草治一切氣滯症 同烏藥甘草治一切心腹刺

痛 同茯神甘草橘紅治婦人血滯氣虛之症

貝母氣平味辛無毒主傷寒煩熱淋瀝邪氣疝瘕喉

痹乳難金瘡風瘕

去心糯
米炒

貝母氣平稟天秋平之金氣入手太陰肺經味辛

無毒得地西方之金味入手陽明燥金大腸經氣
味降多於升陰也其主傷寒煩熱者傷寒有五風
寒濕熱溫而風與熱乃陽盛之症陽盛所以煩熱
也貝母氣平則清味辛潤散故主之也淋瀝者膀
胱有熱也邪氣者熱邪之氣也膀胱以氣化爲主
貝母味辛潤肺肺乃主氣之藏肺潤則氣化及於
州都小便通而不淋瀝矣其主疝瘕者肺氣不治
則不能通調水道下輸膀胱一而濕熱之邪聚結

成疝成癰。貝母氣平。可以通調水道。味辛。可以散熱結也。大腸之脈。其正者上循咽喉。火發於標。乃患喉痹。痹者閉也。其主之者。味辛氣平。能解大腸之熱結也。肺乃津液之府。主乳難者。味辛能潤潤。則乳自通也。肺主皮毛。味辛氣平。則肺潤而皮毛理可愈。金瘡也。風痺者。風濕流於關節。致血不能養筋而筋急也。貝母味辛。辛則散風濕而潤血。且貝母入肺。肺潤則水道通而津液足。所以風濕逐

而筋脈舒也。

制方

貝母薑汁丸治憂鬱不伸 同厚朴丸化痰降氣

同知母牡蠣末豬蹄湯調服治乳汁不下 專

末治吐血衄血吹鼻中治吹乳作痛 同知母前

胡麥冬葛根甘草治傷寒煩熱 同陳皮前胡石

膏知母麥冬竹瀝治痰瘧 同白芷白蒺藜治鬱

症乳癰

葶藶子氣寒味辛無毒主癥瘕積聚結氣飲食寒熱
破堅逐邪通利水道炒用

葶藶子氣寒稟天冬寒之水氣入足太陽寒水膀胱經手太陽寒水小腸經味辛無毒得地西方之金味入手太陰肺經氣味降多於升陰也其主癥瘕積聚結氣者氣結聚而成積有形可徵者謂之癥瘕假物成形者謂之瘕葶藶入肺肺主氣而味辛可以散結也小腸爲受盛之官飲食入腸寒熱之

物皆從此運轉如調攝失宜則寒熱之物積矣葶
塵氣寒可以去熱味辛可以散寒下洩可以去積
也破堅者辛散之功逐邪者下洩之力十劑云洩
可去閉葶塵是也肺者通調水道下輸膀胱葶塵
入肺入膀胱辛寒下洩所以通利也

制方

葶塵炒成末蜜九大棗同煎治肺壅喘急及支飲
不得息 同棗肉丸治通身浮腫 專酒浸治腹

服積聚

元參氣微寒味苦無毒主腹中寒熱積聚女子產乳
餘疾補腎氣令人明目

蒸晒

元參氣微寒。稟天冬寒之水氣。入足少陰腎經。味
苦無毒。得地南方之火味。入手少陰心經。手厥陰
心包絡經。氣味俱降。陰也。腹中者。心腎相交之區
也。心爲君火。心不下交於腎。則火積於上而熱聚
腎爲寒水。腎不上交於心。則水積於下而寒聚矣。

元參氣寒益腎味苦清心。心火下而腎水上升者。升而降者降。寒熱積聚自散矣。女子以血爲主。產乳餘疾。產後諸症。以產血傷也。心主血。味苦清心。所以主之。補腎氣者。氣寒壯水之功也。令人明目者。益水可以滋肝。清心有以瀉火。火平水旺。目自明也。

制方

元參 同生地 甘菊 蒺藜 杞子 柴胡 能明目 同貝

母連翹甘草花粉薄荷夏枯草治瘰癧同升麻
甘草治發癰咽痛同知母麥冬竹葉治熱病燥
熱煩亂

天花粉氣寒味苦無毒主消渴身熱煩滿大熱補虛
安中續絕傷

天花粉氣寒稟天冬寒之水氣入足少陰腎經足
太陽寒水膀胱經味苦無毒得地南方之火味入
手少陰心經氣味俱降陰也膀胱者津液之府也

心火內燦則津液枯而病消渴膀胱主表火盛則表亦熱而身熱也其主之者苦寒可以清火也心爲君火火盛則煩滿大熱其主之者寒以清之苦以洩之也火盛則陰虛補虛者清潤能補陰虛也陰者中之守安中者苦寒益陰陰充中有守也其主續絕傷者血爲陰陰虛則傷陰枯則絕花粉清潤則虛者滋枯者潤也實名枯樓甘寒之性能解陽邪所以主傷寒陽邪結胸也

制方

花粉同川連治心火乘金消渴 同人參麥冬治
肺津枯消渴 同麥冬竹葉治心火煩渴 實同
川連枳實各小陷胸湯治傷寒結胸

牛蒡子氣平味辛無毒王明目補中除風傷
一名惡
實酒蒸
焙淨

牛蒡子氣平稟天秋子之金氣味甘無毒得地西
方之金味入手太陰肺經氣味降多於升陰也牛

勞氣平清熱味辛散鬱鬱熱清則目得血而能視
矣所以明目中者陰之守也人身陰陽求之升降
牛蒡辛平清肺肺氣下降則陰生所以補中也風
傷於衛衛附皮毛皮毛者肺之合也辛平疎肺則
皮毛解散所以除風傷也

制方

牛蒡同紫草犀角生地治痘血熱不出 同桔梗
甘草治風熱咽痛

甘菊花氣平味苦無毒主諸風頭眩腫痛目欲脫淚
出皮膚死肌惡風濕癰久服利血氣輕身耐老延年
甘菊氣平稟天秋平之金氣入手太陰肺經味苦
無毒得地南方之火味入手少陰心經氣味俱降
陰也味苦清火火抑金勝發花於秋其稟秋金之
氣獨全故爲制風木之上藥也諸風皆屬於肝肝
脈連目系上出額臨督脈會於巔肝風熾則火炎
上攻頭腦而眩火盛則腫而痛其主之者味苦可

以清火氣平可以制木也。肝開竅於目。風熾火炎。則目脹欲脫。其主之者。制肝清火也。手少陰之正脈上走喉嚨出於面。合目內眥。心爲火。火盛則心系急而淚出其主之者。苦平可以降火也。皮膚乃肺之合。肌肉乃脾之合。木火刑肺。金脾土。則皮膚肌肉皆死。甘菊稟金氣。具火味。故平木清火而主皮膚死肌也。其主惡風濕痺者。風濕成痺。風統於肝。甘菊氣平有平肝之功。味苦有燥濕之力。也久。

服利血氣者肺主氣氣平益肺所以有利於氣心
主血味苦清心所以有利於血利於氣氣充身自
輕利於血血旺自耐老氣血皆利其延年也必矣

制方

甘菊搗汁治疔瘡 重九採花末服治酒醉不醒
同杞子丸服終身無目疾瘡疽 同穀精草煮
豈皮等分末治目腎

丹皮氣寒味辛無毒主寒熱中風瘧癘驚癇邪氣除

癢堅癩血留舍腸胃安五藏療癰瘡

丹皮氣寒稟天冬寒之水氣入手太陽寒水小腸
經味辛無毒得地西方之金味入手太陰肺經氣
味降多於升陰也寒水太陽經行身之表而爲外
藩者也太陽陰虛則皮毛不密而外藩不固表邪
外入而寒熱矣其主之者氣寒可以清熱味辛可
以散寒解表也肝者風木之藏也肺經不能制肝
肝風挾濁火上逆中風癰癢驚癇之症生焉丹皮

辛寒益肺平肝肝不升而肺氣降諸症平矣小腸
者受盛之官與心爲表裏心主血血熱下注留舍
小腸瘀積成瘕形堅可徵丹皮寒可清熱辛可散
結所以入小腸而除瘕也五藏藏陰者也辛寒清
血血清陰足而藏安也榮血逆於肉裏乃生癰瘡
丹皮辛寒可以散血熱所以和榮而療癰瘡也

制方

丹皮同防風末酒服治癰疽 同麥冬五味白茯苓

甘草木通生地治心包絡之火

黃連氣寒味苦無毒主熱氣目痛背傷淚出明目腸

澀腹痛下痢婦人陰中腫痛久服令人不忘

酒炒吳
萸同炒

黃汁
炒

黃連氣寒主寒之水火氣入足少陰腎經味苦

無毒得地南方之火味入手少陰心經氣味俱降

陰也其主熱氣目痛者心主火火氣熱心病會肝

肝開竅於目也黃連苦寒所以清火也手少陰之

正出於面合目內眥手少陰爲心火火盛則心系
急而淚出眥傷淚出眥心火也黃連清心所以主
之實則瀉其子心者肝木之子也清心則肝邪瀉
所以明目也大腸爲庚金之府心火乘之則津液
化成膿血痛而下痢矣其主之者寒以清火苦以
洩熱也北方黑色入通於腎開竅於二陰婦人陰
中乃腎竅也熱勝則腫腫痛者火盛也黃連入腎
寒苦清火所以主之其久服令人不忘者入心清

火火清則心明能記憶也。

制方

黃連同西河柳黃芩黃栢石膏知母甘草治痧疹
已透煩躁不止同當歸棗仁圓肉生地黃芩黃
栢黃耆治火症盜汗同槐花枳殼乳香沒藥治
痢純血腹痛同五味麥冬乾葛治酒病同麥
冬五味治卒消渴小便多同人參蓮子治虛痢
專爲末丸名瀉心丸治心實心痛同吳萸神

麴丸治肝火作痛。同白朮陳皮神麴丸名四神丸治胸中嘈雜作痛。同白茯苓治思想所致白淫。同木香丸名香連丸治痢。同炮薑末治氣痢後重。

黃芩氣平味苦無毒。主諸熱黃疸腸澼洩痢逐水下血閉惡瘡疽蝕火瘍。酒炒

黃芩氣平。稟天秋涼之金氣入手太陰肺經味苦無毒得地南方之火味入手少陰心經氣味俱降

陰也。心者火藏也。十二官之君。諸熱之主也。若平
清心。故主諸熱。黃疸者。濕熱乘脾之症也。脾爲大
陰。濕土。土濕熱。則本色現而發黃疸。黃芩苦平清
肺。肺亦太陰。太陰濕熱退而脾疸亦平也。肺與大
腸爲表裏。大腸濕熱。則腸澼洩痢。黃芩清肺。肺清
則通調水道而濕熱下逐。腸肺復其燥金之性而
洩痢愈矣。肺司水道。熱則肺失清肅之令而水道
不通。水因而蓄焉。黃芩清肺。則氣化下及膀胱而

水下逐矣。血閉者，實熱在血分而經閉不通也。心主血，味苦，清心則能下洩，所以主之。惡瘡疽蝕者，瘡疽敗壞潰腐而不收口也。火瘍者，火傷瘡也。皆心火有餘而腐壞肺之皮毛也。苦平清心肺，所以主諸痛痒瘡瘍也。

制方

黃芩同白芍甘草名黃芩湯。治濕熱腹痛及瀉痢。同白芍甘草半夏治吐瀉。同白芍麥冬白朮

治胎不安內熱

連翹氣平味苦無毒主寒熱鼠瘻癰癰癰癰惡瘡癰

瘤結熱蠱毒

去心用

連翹氣平稟天秋平之金氣入手太陰肺經味苦

無毒得地南方之火味入手少陰心經手厥陰心

包絡經氣味俱降陰也心包絡者臣使之官喜樂

出焉其經別屬三焦出循喉嚨出耳後合少陽鬱

則包絡之火上炎經絡而成寒熱鼠瘻癰癰癰癰矣連

翹輕清平苦輕而揚之因而越之結者散而寒熱
愈也癰腫惡瘡皆生於心火連翹味苦清心所以
主之癰瘤結熱亦心包絡之鬱結火也其主之者
輕揚有散結之功也蠱毒因辛熱而成辛熱則生
蟲也連翹平能清而苦能洩熱解蟲化而蠱自消
也

制方

連翹同脂麻治癰癰 同貝母白芷甘草金銀花

元參薄荷夏枯草白芨治同上。

天麻氣平。味辛。無毒。主諸風濕痺。四肢拘攣。小兒風
癇。驚氣。利腰膝。強筋力。久服益氣輕身長年。

天麻氣平。稟天秋平之金氣。味辛。無毒。得地西方
之金味。入手太陰肺經。得天地之金氣。獨全。故爲
制風木之上藥。氣降。味升陽也。肝爲風木。諸風皆
屬於肝。肝主血。血澀不通。則濕感成痺也。其主之
者。天麻氣平。味辛。入肺而通水道。能活血而散風。

也四肢脾主之。因於濕則大筋更短而成拘攣也。肺亦太陰。水道通調則太陰濕行而脾濕解拘攣愈矣。小兒風癇驚氣皆肝經血虛氣亢以致氣逆而驚癇也。天麻味辛。辛則潤血氣。平則鎮驚也。辛平之品潤肝血而平肝氣。肝主筋而位居下。故能利腰膝而強筋力也。久服辛平益肺。肺主氣所以益氣氣充身自輕而年自長也。

制方

本草綱目卷之二十一
天麻同半夏黃芩前胡陳皮白茯苓治痰厥頭痛

同白朮陳皮白茯苓車前治飲在心下 同南星前

胡陳皮白茯苓消一切風痰

木通氣平味辛無毒主除脾胃寒熱通利九竅血脈
關節令人不忘去惡蟲

木通氣平稟天秋平之金氣味辛無毒得地西方
之金味專入手太陰肺經氣降味苦陰也其除脾
胃寒熱者蓋飲入於胃遊溢精氣上輸於脾脾氣

散精上歸於肺。肺氣通調水道。乃下輸膀胱。如水
道不通。則飲留於脾胃。而發寒熱矣。水通入肺。以
通水道。故除脾胃寒熱也。九竅者。耳目鼻各二口
大小便各一也。木通氣平則利。味辛則通。所以通
利九竅。血脈關節也。其令人不忘者。心藏神而屬
火。水道通則心火有制。神清多記憶也。濕熱不除
則化生惡蟲。水道通則濕熱有去路。故惡蟲不生
也。

制方

木通同生地炙草竹葉治心熱便赤。同白茯苓
瀉車前豬苓燈心治癰閉。同牛膝生地天冬麥
冬五味黃柏甘草治尿血。同生地甘草赤茯苓
葉名導赤散瀉小腸之火。

車前子氣寒味甘無毒主氣癰止痛利水道通小便
除濕癰久服輕身耐老。

車前氣寒稟天冬寒之水氣入足太陽寒水膀胱

經味甘無毒得地中正之土味八足太陰濕土脾
經氣降味和陰也膀胱者州都之官津液藏焉氣
化則能出矣出氣不化閉塞下竅而爲癰閉其主
之者寒能化熱甘能化氣也小便者心火之去路
也火結於膀胱則小便痛矣其止痛者氣寒能清
火也飲入於胃遊溢精氣上輸於脾脾氣散精上
歸於肺肺乃下輸膀胱車前味甘甘能益脾脾氣
散精則肺氣通行故水道通小便利也益脾利水

則濕下逐故又除濕痹也久服輕身耐老者指有
病者而言也人身有濕則身重濕逐則身輕濕逐
脾健脾主血血充故耐老也不然滑泄之品豈堪
久服者哉。

制方

車前同木通沉香陳皮升麻治氣癰 同二朮木
瓜石斛草薺白茯苓五加皮治濕痹 同白芍白茯苓
薤白甘草治水洩 同生地牛膝天冬麥冬黃柏

五味杞子人參白膠治尿血及女子血淋 專末服治暴洩

澤瀉氣寒味甘無毒主風寒濕痺乳難養五臟益氣力肥健消水久服耳目聰明不饑延年輕身面生光能行水上

澤瀉氣寒稟天冬寒之水氣入足太陽寒水膀胱經味甘無毒得地中正之土味入足太陰脾經氣降味和陰也其主風寒濕痺者風寒濕三者合而

成癆瘵則血閉而肌肉麻木也。澤瀉味甘益脾，脾
濕去則血行而肌肉活。瘵症瘰癧矣，其主乳難者，脾
統血，血不化，乳所以難也。味甘益脾，脾濕行則血
運而乳通也。其主養五臟益氣力肥健者，蓋五臟
藏陰者也。而脾爲之原，脾主肌肉而性惡濕，澤瀉
瀉濕去則脾健，脾乃後天之本，所以肌肉長而
氣益。益陰氣充而五臟得所養也。其消水者，入膀胱
氣寒下洩也。久服耳目聰明不饑，延年輕身者。

腎與膀胱爲表裏膀胱水道通四腎之精道固精足則氣充腎開竅於耳所以耳聰水之精爲目瞳子所以明目腎者胃之關關門固所以不餓腎氣納所以延年輕身也其言面生光能行水上者脾爲濕土濕則重燥則輕輕則能行水上脾統血血充則面有光彩也蓋表其利水有固腎之功燥濕有健脾之効也

制方

澤瀉同白茯苓肉桂名玉苓散治濕熱

同山藥山萸白茯苓丹皮生地北味名都氣湯補腎
真陰及小兒行語遲同白茯苓建蘭葉豬苓治飲
痰欬嗽

草薢氣平味苦無毒主腰脊痛強骨節風寒濕周痹
惡瘡不瘳熱氣

草薢氣平稟天秋降之金氣入手太陰肺經味苦
無毒得地南方之火味入手少陰心經氣味俱降

陰也。太陽寒水經，挾脊抵腰中。太陽有濕，則陽氣不布，腰脊強而痛矣。太陽經行身表，附皮毛而爲外衛者也。皮毛者，肺之合。草薺氣平入肺，味苦燥濕，肺之皮毛理而太陽之濕亦逐，所以主腰脊強痛也。骨節者，節捷之處也，亦屬太陽經。濕流孔竅，故風寒濕合而成痹，則周身麻木而骨節更甚也。其主之者，草薺入肺，肺通調水道，下輸膀胱，可以去太陽之濕而理痹也。惡瘡熱氣皆屬心火，草薺

味苦清心。心火退。則瘍瘡愈。而熱氣解矣。

制方

葦薤同蓮子白茯苓前木通澤瀉牛膝甘草黃柏
可分清治濕。同杜仲治腰脚痺。同菖蒲益
智烏藥治白濁。佐杜仲肉苁蓉菟絲子北味丸
名金剛丸治筋痿足不能行。

防己氣平。味辛。無毒。主風寒溫瘧熱氣。諸癰。除邪。利
大小便。

防已氣平。稟天秋降之金氣。味辛無毒。得地西方。燥金之味。入手太陰肺經。氣味降多於升。陰也。風寒溫瘧者。感風寒而患。但熱不寒之瘧也。熱氣諸癰者。心有熱而患。一切風癰也。溫熱皆爲陽邪。癰瘡皆屬風木。防已氣平。可以清陽邪。味辛可以平風木。而消風痰也。除邪者。辛平之品。可除濕熱之邪也。小便出於膀胱。膀胱津液。肺氣化。乃出。防已氣平。可以化氣。故利小便。大便出於大腸。肺與大

腸爲表裏。味辛可以潤腸。故利大便也。但臭惡傷胃。宜慎用之。

制方

防已同黃耆。桂枝白茯苓甘草治皮水。同黃耆白朮甘草生薑大棗治風水。惡風汗出身重脈浮。大黃氣寒味苦無毒。主下瘀血。血閉寒熱。破癥瘕積聚。留飲宿食。蕩滌腸胃。推陳致新。通利水穀。調中化食。安和五藏。

大黃氣寒。稟天冬寒之水氣。入手太陽寒水小腸經。味苦無毒。得地南方之火味。入手少陰心經手少陽相火三焦經氣味俱降。陰也。濁陰歸六府。味厚則洩。兼入足陽明胃經手陽明大腸經。爲蕩滌之品也。味厚爲陰。則入陰分。血者陰也。心主者也。血凝則瘀。大黃入心。味苦下洩。故下瘀血。血結則閉。陰不和陽。故寒熱生焉。大黃味苦下洩。則閉者通。陰和於陽而寒熱止矣。癥瘕積聚。皆有形之實。

邪。大黃所至蕩平。故能破之。小腸爲受盛之官。無物不受。傳化失職。則飲留食積矣。大黃入小腸而下洩。所以主留飲宿食也。味厚則洩瀉。陰歸府。大黃味厚爲陰。故入胃與大腸而有蕩滌之功也。消積下血。則陳者去而新者進。所以又有推陳致新之功焉。其推陳致新者。以滑潤而能通利水穀。不使阻礙腸胃中也。腸胃無礙。則陽明胃與太陰脾調和而食消化矣。飲食消化。則陰之所生。本自五

味五藏主藏陰陰生而藏安和矣

制方

大黃同黃芩沉香礞石丸名滾痰丸治痰症同

藟歸檳榔治痢初起同甘草治胃火食入即吐

燈草氣寒味甘無毒主五淋生煮服之

燈草氣寒稟天冬寒之水氣入手太陽寒水小腸經足太陽寒水膀胱經味甘無毒得地中正之土味入足太陰脾經氣味降多於升陰也心與小腸

爲表裏小便者。心火之去路也。心火結於小腸膀胱則小便淋瀝矣。燈心生煮服之。氣寒清熱味甘。化氣結者解而火下洩矣。

制方

燈心焙同炒鹽共末吹喉痹。煎湯調燈花末塗乳。小兒吮之止夜啼。

使君子氣溫味甘無毒。主小兒五疳。小便白濁殺蟲療瀉痢。

使君子氣溫。稟天春和之木氣。入足厥陰肝經。味甘無毒。得地中正之土味。入足太陰脾經。氣味俱升。陽也。小兒疳症。名雖有五。原皆由脾虛。脾虛則不健運。於是積聚生疳也。其主之者。味甘可以益脾。氣溫可以健運也。中氣不足。則溲溺爲之變。所以小便白而混濁也。其主之者。甘溫益氣。氣足則清肅而便清也。甘溫之品。則具條達之性。能瀉脾經之濕熱。濕熱清。則瀉痢自止。而蟲不生。所以殺

蟲療瀉痢也。

制方

使君子同蘆薈蕪荑滑石麥芽厚朴陳皮殺疳蟲
消疳積 專爲末治小兒蛔痛及虛腫煎湯漱蟲
牙疼痛。